

Punchuta Tikucha Awasin

Ticucha hace un poncho

Afianzamiento de Lectura Quechua
Serie de *Kiliksa*

5

Quechua de Huamalíes – Dos de Mayo, Huánuco

Adaptado del cuento escrito por:
Amador Tucto Ramírez
Ilustrador: Jhonel Rosales Córdova



Juk warmishi karqan Tikucha
jutiuyuq. Payqa runan Shoshiwan
alishi kuyanakuq. Shoshipa
punchun ushakash kaptinshi
Tikucha punchupaq puskayta
qalaykurqan.



Wamran puklakushqanyaqshi
puskanta imaykanöpapis mirasikuq.



Saynölashi uyshankunata
misikuqnöpis puskakuq.




Punchupaq ayparkasirnashi
Tikuchaqa kawpuyta qalaykurqan.




Sayno kawpuptinshi Shoshipis
kawpuyta yanaparqan.



Say markachöshi punchu awaq juk
runa karqan Filli jutiyuq. Sayshi
kawpuyta ushaskirna Tikucha
kururkunata aparqan Filli
awapänanpaq.



Awapakuyta chaskirkurnashi Filliqa
jukla punchuta awayta qalaykurqan.




Awayta ushaskiptinnashi
pägananpaq kuchinta janchakurkur
Tikuchaqa punchu shuntaq
aywarqan.



Filliman chaykurnashi punchuta
awashqanpita kuchita pägarqan.



Punchuta shuntarkamurnashi
Shoshita kushish rikasirqan.



Shoshinashi punchunpa rebētinta
jukla jirarqan.



Jirayta usharkurnashi ali kashqanta rikarqan.



Nirkurnashi punchunta
kamakunanpaq jatikurqan.



Ali kamaraqla kaptinshi
Tikuchawan ishkan kushikuyarqan.

Asociación Cristiana JAWCA
Pasaje San Mateo, Lote 05
La Esperanza – Amarilis
Huánuco – Perú – 2018

Con la colaboración del Instituto Lingüístico de Verano